

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 5. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), Vlada Zeničko-dobojskog kantona, na prijedlog Agencije za privatizaciju Zeničko-dobojskog kantona, na 59. sjednici, održanoj dana 16.06.2016. godine, d o n o s i

ZAKLJUČAK

I.

Prihvata se Informacija o statusu preduzeća sadržanih u Tabeli 4. – Neprivatizirana preduzeća-stečajni postupak Programa rada Agencije za privatizaciju Zeničko-dobojskog kantona za 2016. godinu.

II.

Zaključak stupa na snagu danom donošenja.

Broj: 02-_____/16.

Datum, 16.06.2016. godine

Z e n i c a

PREMIJER

Miralem Galijašević

DOSTAVLJENO:

1x Agencija za privatizaciju ZDK,

1x a/a.

INFORMACIJA
o statusu preduzeća iz Tabele broj 4. Neprivatizirana preduzeća-stečajni postupak

R. br.	Naziv i općina	Status preduzeća
1.	GD „Sretno“ d.d. Breza	Struktura kapitala kod ovog preduzeća je: 40% državnog kapitala privatizirano metodom javnog upisa dionica, a 60% državnog kapitala je privatizovano metodom neposredne pogodbe. Nakon raskida Ugovora, zbog neizvršenja ugovornih obaveza, pokrenut je stečajni postupak, broj: St-18/06. Rješenjem Suda od 01.08.2013. godine, zaključen je stečajni postupak nad imovinom Preduzeća –Društva. Zbog nedovoljnosti stečajne mase, Društvo je brisano iz Sudskog registra poslovnih subjekata 05.09.2013. godine. Dana 06.12.2013. godine, Služba za statistiku ZDK je izdala Obavještenje o brisanju GD „Sretno“ Breza - u stečaju iz Registra poslovnih subjekata.
2.	PD „Polet“ Kakanj	Na javni poziv za prikupljanje ponuda za prodaju 100% državnog kapitala metodom tendera, nije bilo prijava. Pokrenut je stečajni postupak, br. St-16/06. Rješenjem Suda, od 01.09.2010. godine, zaključen stečajni postupak nad imovinom Društva-Preduzeća, te je 24.09.2010. godine PD „Polet“ Kakanj brisan iz Sudskog registra. Prema navodu u aktu Službe za statistiku ZDK od 23.05.2016.godine, za ovo pravno lice u ovoj Službi, ne postoje podaci u Centralnom registru.
3.	ŠIP„Stupčanica“ d.d. Olovo	Struktura kapitala kod ovog preduzeća je: 49% privatno vlasništvo (18,28% privatizirano na osnovu javnog upisa dionica, a 30,72% po osnovu privatizacije izvršene u skladu sa Zakonom o društvenom kapitalu i Zakonu o pretvorbi društvene svojine), a postupak prodaje metodom neposredne pogodbe 51% državnog kapitala je obustavljen. Vlada ZDK-a formirala ŠPD u čiji sastav je ušla ŠIP „Stupčanica“ Olovo kao R.J. „Šumarstvo“ Olovo. Nakon toga, nad ovim privrednim subjektom otvoren je stečajni postupak, broj: St-7/07. Prema dobijenim podacima od Odsjeka sudske pisarnice, Sudu je dostavljen Izvještaj Odbora povjerenika sa zaključcima od 16.12.2015. godine, a 07.04.2016. godine dostavljen je i Godišnji obračun stečajnog dužnika za 2015. godinu. Služba za statistiku ZDK je dana 25.07.2014. godine izdala Obavještenje o razvrstavanju ŠIP „Stupčanica“ d.d. Olovo - u stečaju, što znači da se ovo pravno lice vodi ako aktivno u Registru poslovnih subjekata.
4.	DIP „Zvijezda“ d.d. Vareš	Struktura kapitala kod ovog preduzeća je: 40% privatno vlasništvo (39,6% privatizirano na osnovu javnog upisa dionica, a 0,74% po osnovu privatizacije izvršene u skladu sa Zakonom o društvenom kapitalu i Zakonu o pretvorbi društvene svojine), a prodaja 60% državnog kapitala, neposrednom pogodbom, je okončana neuspješno. Pokrenut je stečajni postupak, broj: St-1/05, a zaključen dana 25.03.2011. godine. Radi činjenice da je stečajni dužnik vodio postupak za vraćanje u posjed i vlasništvo nekretnine u R Hrvatskoj, te da su ostala nenamirena potraživanja prema

		Programu Vlade Federacije BiH za radnike stečajnog dužnika, ovo pravno lice nije brisano iz Registra Suda, kako bi se zadržao subjektivitet u drugim postupcima. Stečajni dužnik – DIP „Zvijezda“ Vareš –u stečaju, će se brisati po ostvarenju prava stečajnog dužnika i naknadnoj diobi stečajne mase, a po prijedlogu stečajnog upravnika. Dana 10.05.2016. godine, dostavljen je podnesak stečajnog upravnika, kojim se obavještava Sud da je ishodovan upis DIP „Zvijezda“ Vareš – stečaju kao suvlasnika u dijelu ½ odmarališta u Zaostrogu R Hrvatska, čime su se stekli uslovi za prodaju navedene nekretnine. Služba za statistiku ZDK je 16.02.2012. godine izdala Obavještenje o razvrstavanju DI „Zvijezda“ d.d. Vareš - u stečaju, što znači, da se ovo pravno lice vodi kao aktivno u Registru poslovnih subjekata.
5.	„Bistrica“ d.d. Žepče	Struktura kapitala kod ovog preduzeća je: 49% kapitala privatni (privatizovano metodom javnog upisa dionica), a 51% državnog kapitala, prodavano metodom neposredne pogodbe, koja je bila neuspješna. Zaključen stečajni postupak nad imovinom Društva - Preduzeća, broj: St-6/06 dana 14.05.2008. godine, te subjekt brisan iz Sudskog registra 04.07.2008. godine. Služba za statistiku ZDK je 25.07.2014. godine izdala Obavještenje o brisanju ovog pravnog lica iz Registra poslovnih subjekata.
6.	„Dom štampe“ d.d. Zenica	Struktura kapitala kod ovog preduzeća je: 49% privatni kapital (13,61% kapitala privatizovano metodom javnog upisa dionica, a 35,39% kapitala po osnovu privatizacije izvršene u skladu sa Zakonom o društvenom kapitalu i Zakonu o pretvorbi društvene svojine), a 51% državnog kapitala privatizovano metodom javnog prikupljanja ponuda (tender). Nije izdato uvjerenje o izmirenim obavezama, a u međuvremenu otvoren stečaj, broj: St-17/06. Rješenjem Suda od 11.05.2016. godine, zaključen je stečajni postupak nad imovinom ovog subjekta. U Službi za statistiku ZDK, subjekt „Dom štampe“ Zenica – u stečaju se, na osnovu Obavještenja o razvrstavanju pravnog lica prema klasifikaciji djelatnosti izdatog 16.02.2012. godine, još vodi u Registru poslovnih subjekata kao aktivno, ali će se nakon donesenog Rješenja Suda o zaključenju stečajnog postupka brisati iz Registra.
7.	JKP „Bioštica“ d.o.o. Olovo	Preduzeće iz člana. 3. Zakona o privatizaciji preduzeća (komunalna djelatnost), kod kojeg je pokrenut stečaj pod brojem: St-13/06, a zaključen dana 19.03.2013. godine. Potvrđen je stečajni plan, brisat će se zabilježba otvaranja stečajnog postupka. Prema podacima sadržanim u Obavještenju Službe za statistiku ZDK-a, o razvrstavanju pravnog lica prema klasifikaciji djelatnosti, koje je izdato dana 02.12.2013. godine, ovaj pravni subjekat je aktivan i ne vodi se kao stečajni dužnik.
8.	„Trudbenik“ d.d. Matuzići	Nije usvojen Početni bilans stanja i Program privatizacije preduzeća. Otvoren stečajni postupak, broj: St-8/06, koji je obustavljen, te je pravni subjekt brisan Rješenjem Suda od 29.12.2008. godine, zbog pripajanja Društvu Kompresori, pneumatski alati i alatne mašine, proizvodnja, remont, servis i izrada rezervnih dijelova „KOPNALMA“ d.o.o. Matuzići-Doboj Jug. Prema Obavještenju Službe za statistiku ZDK od 28.03.2016. godine, ovo pravno lice je brisano

		iz Registra poslovnih subjekata.
9.	DIP „Pilana“ d.o.o. Kakanj	Struktura kapitala kod ovog preduzeća je: 49% državnog kapitala je privatizovan metodom javnog upisa dionica, a prodaja dijela državnog kapitala od 51% ukupnog kapitala - metodom tendera, je proglašena neuspješnom. Pokrenut stečaj pod brojem St-1/08, koji je okončan Rješenjem Suda dana 24.10.2011. godine, te je subjekt, dana 26.10.2011.godine, brisan iz Sudskog registra. Služba za statistiku ZDK je, dana 01.02.2012. godine, izdala Obavještenje o brisanju ovog pravnog lica iz Registra poslovnih subjekata.
10.	„Stolarija“ d.d. Zenica	Struktura kapitala kod ovog preduzeća je: 33% kapitala privatni (nakon privatizacije metodom javnog upisa dionica), a 67% državnog kapitala bio je predmet privatizacije neposrednom pogodbom. U sudskom postupku, raskinut je kupoprodajni ugovor. Dana 05.03.2009. godine, otvoren je stečajni postupak nad imovinom Društva - Preduzeća, u predmetu, broj: St-16543/09, a zaključen dana 15.09.2014. godine. Ovo Društvo – Preduzeće je brisano iz Registra Suda dana 02.10.2014. godine. Služba za statistiku ZDK je 02.04.2015. godine izdala Obavještenje o brisanju ovog pravnog lica iz Registra poslovnih subjekata.
11.	„Promet“ d.d. Olovo	Struktura kapitala kod ovog preduzeća je: 40,29% kapitala privatni (po osnovu prethodno izvršene vlasničke transformacije - privatizacije izvršene u skladu sa Zakonom o društvenom kapitalu i Zakonom o pretvorbi društvene svojine), a 59,71% državnog kapitala bio je predmet privatizacije metodom tendera. U sudskom postupku je raskinut kupoprodajni ugovor, a u međuvremenu, nad imovinom preduzeća je otvoren stečajni postupak u predmetu, broj: St-9/08. Stečajni sudija je, dana 26.02.2016. godine, uputio dopis stečajnom upravniku u kome traži izvještaj o postupanju i o unovčenju preostale imovine stečajnih dužnika, te se posebno tražila procjena okončanja stečajnog postupka (budući da već duže vrijeme, u ovom stečajnom postupku nisu preduzimane nikakve radnje), jer isti već dugo traje. Stečajni upravnik je 08.03.2016. godine dostavio izvještaj, te naveo da se naplata potraživanja očekuje u 2016. godini. Prema Obavještenju o razvrstavanju pravnog lica izdatog od Službe za statistiku ZDK dana 16.02.2012. godine Društvo – Preduzeće, se u Registru poslovnih subjekata, vodi kao DD „PROMET“ Olovo - u stečaju.
12.	„Inpek“ d.d. Zenica	Struktura kapitala kod ovog preduzeća je: 33% kapitala privatni (7,59% državnog kapitala privatizovano metodom javnog upisa dionica, a 25,41% po osnovu privatizacije izvršene u skladu sa Zakonom o društvenom kapitalu i Zakonu o pretvorbi društvene svojine), a 67% državnog kapitala bio je predmet privatizacije metodom tendera. U sudskom postupku je raskinut kupoprodajni ugovor. U međuvremenu, nad imovinom Preduzeća otvoren stečajni postupak u predmetu, broj: 22092-9/09, a zaključen dana 26.09.2013. godine, te subjekt 29.10.2013. godine brisan iz Registra Suda. Obavještenje o brisanju ovog pravnog lica iz Registra poslovnih subjekata izdato je od Službe za statistiku ZDK dana 09.12.2013. godine.

13.	„Bosnagraf“ d.d. Visoko	Struktura kapitala kod ovog preduzeća je: 49% kapitala privatni (21,06% državnog kapitala privatizovano metodom javnog upisa dionica, a 27,94 po osnovu privatizacije izvršene u skladu sa Zakonom o društvenom kapitalu i Zakonu o pretvorbi društvene svojine), a 51% državnog kapitala privatizovano metodom neposredne pogodbe. Zbog neizmirenja ugovornih obaveza raskinut je Ugovor o kupoprodaji. Općinski sud u Zenici je 08.10.2012. godine donio Rješenje o otvaranju stečajnog postupka, a isti je zaključen dana 21.01.2016. godine, te subjekt brisan iz Registra Suda 11.02.2016. godine. Prema Obavještenju o razvrstavanju pravnog lica izdatog od Službe za statistiku ZDK od 17.10.2012. godine, Društvo – Preduzeće se, u Registru poslovnih subjekata, vodi kao Grafičko izdavačko privredno društvo „BOSNAGRAF“ d.d. Visoko - u stečaju, koje će se, nakon donesenog Rješenja Suda o zaključenju stečajnog postupka, brisati iz Registra.
14.	„Mesopromet“ d.o.o. Doboj-Jug	Nije usvojen Početni bilans stanja i Program privatizacije preduzeća. Otvoren stečaj dana 29.05.2013 .godine. U stečajnom postupku izvršena je prodaja nekretnine, a nakon plaćanja kupoprodajne cijene, Sud je, dana 06.04.2015. godine, donio rješenje o dosudi nekretnine kupcu. Prema Obavještenju o razvrstavanju pravnog lica izdatog od Službe za statistiku ZDK od 21.06.2013. godine, Društvo – Preduzeće se vodi u Registru poslovnih subjekata kao „MESOPROMET“ d.o.o. Preduzeće za proizvodnju, preradu i promet mesa, Doboj Jug - u stečaju.
15.	JKP „USORA“ d.o.o. Sivša	Stečaj je otvoren dana 14.07.2010. godine, a Rješenjem Suda od 14.09.2011. godine, stečajni postupak je zaključen nad imovinom Društva – Preduzeća. Stečajnim planom, potvrđenim Rješenjem Suda od 11.01.2016. godine, ukida se nadzor nad izvršenjem stečajnog plana, koji je određen Rješenjem o zaključenju stečajnog postupka od 14.09.2011. godine i ograničenja u vezi sa nadzorom, te se određuje njihovo brisanje iz javnih knjiga. Istim Rješenjem je naloženo Sudu - Registar društava, da izvrši brisanje nadzora i ograničenja, kao i brisanje svih zabilježbi upisanih za navedeni subjekat, koje se odnose na stečajni postupak (koje su u Registru suda i obrisane). U Službi za statistiku ZDK, ovo pravno lice se, shodno Obavještenju o razvrstavanju pravnog lica prema klasifikaciji djelatnosti, od 04.03.2016. godine, u Registru poslovnih subjekata, vodi kao aktivno, bez naznake „u stečaju“.

Napomena: U skladu sa podacima iz Informacije društva-preduzeća, koja su brisana iz Sudskog registra i Registra poslovnih subjekata, biće brisana i iz aktivnog Registra poslovnih subjekata za privatizaciju u nadležnosti Agencije za privatizaciju Zeničko-dobojskog kantona.

DIREKTOR

Ahmet Begagić